



Claudius ille felici ingenio fretus artiū & linguarū studio in Academia Basiliensi magna diligentia operam dedit, & in ijs egregiè profecit. Inde quoq; animum ad Iuris studia cōuertit, & in eo adeò uersatus est, ut omnium cōsensu Iuris Doctor crearetur postea quoq; exteras nationes inuisit, atq; suam eruditionem cumulauit. Itaq; factum ut regnū iudicij Austriacorum in Ensisheim Cancellarius constitueretur. In ea uocatione is singulari dexteritate perseuerauit, atq; res sibi commissas ob magnam animi prudentiam & raram facundiā optime expediuit. Erasmo quoq; & uiris passim in Europa doctissimis notus atq; in primis familia-

ris fuit. Scripsit etiam orationem apologeticam in patrocinium Iuris ciuilib, contra affirmantes, legibus cum Euangelio parum cōuenire. Item Parænesin de ratione studij legalis, atq; topica legum exemplis illustrata. Præterea de potestate Papæ, Imperatoris, & Concilij. In libros quoq; tres priores Institutionum paraphrases, & De officio iudicis libros duos conscripsit, quę omnia Basileæ fuerunt edita & publicata. Hoc modo factum ut Claudius ob multiplicem eruditionem magnam sibi auctoritatem compararit. Claruit is potissimum anno 1530. Cum hoc modo diu officio Cancellarij præfuisset, tandem senex obiit, & apud suos sepultus fuit.

Anonim,